



Publicaziuns dalla vischnaunca, jamna 6

Damondas da baghegiar

Datum da publicaziun: ils 8 da fevrer 2013

Nr. 2013-1005

Il patrun: Jürg Riesen Schützenmatt 23, 6044 Udligenswil

Il representant: Walter Egli und Partner GmbH Rebbergstrasse 26, 5408 Ennetbaden

Object: Casa da pliras habitaziuns, parcella 421, Via Plauns 17, 7180 Disentis/Mustér

Datum da publicaziun: ils 8 da fevrer 2013

Nr. 2013-1006.000

Il patrun: Vischnaunca Disentis/Mustér Via Cons 2, 7180 Disentis/Mustér

Il representant: Biro d'inschignier Iso Mazzetta Via Principala 125, 7166 Trun

Object: Renovaziun dalla deflusiun a Sontget, Chischliun e Scaletta, parcelles 900, 902, 910, 911, 914, 915, 930, 931, 932, 934, 971, 993, 1005, 2294, 2295, 2297, 2501, 2894, 2895, a Sontget, Chischliun e Scaletta, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 5-2-2013

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

2012-1062

Anton Candinas-Pedrolini, Adlerweg 7, 7000 Cuera; colligaziun dalla tegia cun aua, tualetta nova cun aua, sfunsera senza deflussiun e collecturs da sulegl, parcella 2422, Prau Sura, 7183 Mumpé Medel.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 5-2-2013

Uffeci da baghegiar Disentis/Mustér

Controlla da habitonts

Naschientscha

Romana Andrea Duff, naschida ils 23 da schaner 2013, feglia da Rico e Rosmarie Duff-Albin.

Scola Mustér: Elecziun Stefania Ritter

A caschun da sia seduta dils 29 da schaner 2013 ha il cussegl da scola elegiu Stefania Ritter dad Uster sco nova pedagoga curativa. Ella ei carschida si a Sumvitg ed ha terminau la scolaziun sco pedagoga curativa (SHP) 2012 alla scol'aula da pedagogia a Turitg. Suenter sia scolaziun sco scolasta primara 2003 ha ella luvrau treis onns a Vrin e suenter el cantun da Turitg. Stefania Ritter vegn a surpender in pensum parzial en scoletta e scola primara.

Cussegl da scola Mustér



Pro Senectute: Patiencen legen/Patience

Mira/siehe unter Ilanz/Glion

Biblioteca populara Mustér Kamishibai cun Mats, la miur

Eis ti denter 3 e 7 onns? Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surprises en fuorma da Kamishibai e quei mintga gada **il secund venderdis dil meins dallas 14.30 tochen ca. las 15.30**. Nus selegrein zun fetg sin tei ...

Tgisa, forsa anflein nus mintgatun aunc enzatgei auter che mo cudischs en nossa valischa da surprises!

Cun ils pli cars salids e sin seveser tochen gleiti.
Mats, la miur ed il team dalla biblioteca populara Mustér

Termis: 11 da schaner, 8 da fevrer, 8 da mars, 12 d'avrel, 10 da matg ed ils 14 da zercladur 2013

Uniun samaritana Mustér Repetiziun BLS-AED

Commembras e commembers che han frequentau igl onn 2010 il cuors BLS-AED ein envidai alla repetiziun da quel che ha liug:

**Gliendisdis, ils 18 da fevrer 2013
dallas 19.00–22.00**

en casa da scola, local samaritan.

Era personas ch'ei buca commembras dall'uniun ein cordialmein beinvegnidas a quella repetiziun, ein denton supplicadas da s'annunziar tier:

Yvonne Flepp-Venzin, tel. 081 947 50 35
e-mail: yvonne.flepp@kns.ch

Cordial invit
Uniun samaritana Mustér

Mummas cun affons pigns Suentermiezdi da scursalar a Sax

Mesjamna, ils 13 da fevrer 2013 ein tuttas mummas cun affons pigns ed era ils affons cun fargliuns envidai a vegnir a scursalar.

Nus s'entuppein allas 14.00 avon l'ustria «Sax». Annunzias pren Manuela Maissen, tel. 081 936 43 24, bugen encunter entochen ils **11 da fevrer 2013**.

Sin Vossa participaziun selegran
Mummas cun affons pigns Mustér